

ՐԱՖՖՅՈՒ ՌԻՍՈՒՄԱՆՈՒԹՅՈՒՆԸ

ԽԱԶԻԿ ՍԱՄՎԵԼՅԱՆ

Րաֆֆին ծնվել է Պարսկաստանի Սալմաստ գավառի Փայաջուկ գյուղում՝ Միրզաբեկի նահապետական գերդաստանում: 1842 թ. սկզբին, երբ դեռ նոր էր բոլորում այդ բնտանիքում ծնված՝ Միրզաբեկի և Զեյրանուհի խանումի ավագ որդու՝ Րաֆֆու ծննդյան տասը տարին, ծնողները սկսում են մտահոգվել նրա կրթության հարցով: Քանի որ ընտանիքում պահպանված էր մի մտայնություն, ըստ որի Հոգեգայությունը «երկնային լույսը պայծառացնում է մարդկանց հոգիները», ուստի ընտանիքի մայրը այդ օրը պատանի Հակոբին տանում է իրենց թաղի Մսեր անունով քահանայի մոտ և հանձնում նրան, որ «գիր կարդալ սովորի և լավ մարդ դառնա»: «Ես մինչև այսօր, — դրում էր Րաֆֆին հասուն տարիքում, — չեմ մոռացել այն խոսքերը, երբ մայրս ինձ վարժապետին հանձնելու ժամանակ ասաց. «Տեր հայր, ծառա լինեմ սուրբ աջիդ, որդիս քեզ համար դուր (ստրուկ) եմ բերել. միսը քեզ, ոսկորը ինձ: Ինչ ուզում ես արա, միայն թե երեսես մի բան սովորի»¹:

Մեր գպրոցը, — շարունակում է Րաֆֆին, — տեր հոր ավելորդ սենյակներին մեկն էր, անասունների ախոռին շատ մոտ, համարյա կպած: Այդ նեղ ու խեղդված խուցի մեջ լցված էին թվով մինչև քսան աշակերտ: Բացի աշակերտներից, այստեղ կապված էին տեր հոր նորածին հորթերից երեքը: Չմեռը շատ լավ էր այստեղ, թեև վառելիք չունեինք, բայց ախոռից վարժարանի մեջ ջերմ գոլը մառախուղի պես քուլա-քուլա ներս էր թափվում և մեր դասարանը դառնում էր տաք, որպես բաղնիք»²: «Մեր դասարանը, — շարունակում է Րաֆֆին, — բոլորովին մերկ էր. նստարան, աթոռ, սեղան կոչված բաները այնտեղ չկային: Աշակերտները ծալապատիկ նստում էին խոնավ հատակի վրա, որը պատած էր հասիրով: Միակ առարկան, որ հիշեցնում էր թե այդ մթին, դերեղմանի պես խոնավ սենյակը գպրոց է, ֆալական էր և մի խուրձ դայար ճիպոտ նրա մոտ դրված»³:

Վարժապետը առաջին անգամ Հակոբին տալիս է սովորելու Այբբենարանը⁴. «Կարծես այս բոպեխս էլ իմ աչքի առջևն է այն փոքրիկ տետրակը տպված խոշոր տառերով, նրա ճակատին նկարած էր մի մեծ խաչ, որի ներքև կային այս խոսքերը. «Ինչ, օդնյա ինձ»: Մի քանի ամբողջ ամիսներ, — շարունակում է Րաֆֆին, — երեսս խաչակնքելով կրկնում էի այդ ե-

1 Մ ե լ [ի ք ղ ա դ ե]. Մեր լուսավորիչները (Հիշողություն մանկական կյանքից). — «Մշակ», 1875, նոյեմբերի 13, № 45, էջ 1-3:

2 Նույն տեղում:

3 Նույն տեղում:

4 Նույն տեղում: Մատենագիտական ցանկերի միջոցով կատարված որոնումների ընթացքում մեզ չհաջողվեց հայտնաբերել ու պարզել Րաֆֆու օգտագործած Այբբենարանի հեղինակին, հրատարակության տեղն ու թվականը:

րեք բառը: Վարժապետս ասում էր՝ եթե ամեն դասի սկզբում խաչից օգնություն չխնդրես, ոչինչ չես կարող սովորել:

Վաղ առավոտից սկսվում էր դասատվութունը, աշակերտները հերթով մոտենում էին, վարժապետի աջը համընկնում, չոքում էին նրա առջև, դասագիրքը դնելով գրակալի վրա, սկսում էին «Դաս ասել»: Ամեն սխալի համար յուրաքանչյուրը ընդունում էր մի սաստիկ հարված իր փի մեջ, իսկ եթե դասը սերտած չէր, նրա համար պատրաստ էր այն անհիմն ֆալսիվան: Վաղ առավոտից մենք պետք է դասարան գայինք բոլորովին անոթի, առանց մի պատահա հաց անգամ բերան դնելու: Վարժապետն ասում էր. «Կուշտ փորով չի կարելի դաս սովորել, երբ մարդը մի բան ուտում է, խելքը պակասում է: Եվ այսպես մինչև կեսօր մենք պարապում էինք բոլորովին սոված»⁵:

Վարժապետը միշտ Հակոբին էր հանձնարարում տնից եկեղեցի տանել այն մեծ գիրքը, որին «Այսմավուրք» էին ասում: «Թե ինչ էր գրած դրա մեջ, — պատմում է Րաֆֆին, — ես չգիտեի, բայց շատ անգամ գիրքը տանելու ժամանակ մտածում էի. «Ախ աստված ջան, ինչ կլինի, որ այդ գրքի բոլոր դրվածները իմ գլխում լցնես», հետո ինձ ու ինձ ծիծաղում էի. «Հավ, ասում էի, իմ պստիկ գլուխը ո՞նց կարող է այս ամեն բաները իր մեջ տանել»⁶:

Մսեր վարժապետը իր աշակերտներին տառաճանաչ դարձնելուց հետո սովորեցնում է ութ կանոն «Սաղմոս» քաղել, ապա «Ժամագիրք», «Ավետարան» ու խրթնալեզու «Նարեկը» կարդալ: Ցանկացողներին սովորեցնում էր նաև արհեստ՝ քերականություն:

Եթե Մսեր վարժապետի «գիտելիքների» վրա ավելացնենք նրա կողքին շարված դալար ճիպոտներն ու անկյունում դրված ահազող ֆալսիվան, ապա պարզ կգտնանք, թե ինչ կարող էր սովորել ուսումնաստենչ Հակոբը տեղ թեոգիկ կերպարի նախատիպը հանդիսացող այդ վանեցի վարժապետի դպրոցում:

Հակոբի դպրոցական ու պատանեկան տարիների մասին մեզ հասած փաստացի տեղեկությունները թեև սակավ են ու կցկտուր, սակայն երիտասարդական շրջանում նրա դրած ու հասուն տարիքում վերամշակած «Սառա» խորհրդով պոեմում բերված «փաստերը», նկարագրված դեպքերն ու կատարած խորհրդածությունները անուղղակի տեղեկություններ են պարունակում այդ բացը լրացնելու գործում: Այս պոեմում ղգալի տեղ է հատկացված Րաֆֆիագիտություն համար ցարդ անհայտ մնացած դեպքերին ու կենսագրական փաստերին: Հուզիչ ու հանդավոր տողերով Րաֆֆին նկարագրում է իր խենթ մանկությունը, գյուղի ընկուզենին, խոտի մարագը, բաց երկնքի տակ, կտուրին պառկած, մանկական հրճվածքը, աստղերի խաղը, լուսնի հեքիաթը, իրենց դպրոցը, Սառայի սերը, իր տվայտանքը, թախիծով, կարոտով ու փսոսանքով լեցուն պատանեկությունը:

Ահա՛ դպրոցը, — դրում է նա, —

Փափուկ հասակիս սպանդանոցը:

⁵ Նույն տեղում:

⁶ Ր ա ֆ ֆ ի. Երկերի ժողովածու, հ. V, Երևան, 1985, էջ 354:

Այդ դպրոցի մեջ գյուղի տիրացուն
Ուսուցանում էր ինձ «Խոնարհեսցուն»,
Գիշերը քնելիս «Եկեսցե» կարգալ
Եվ վաղ առավոտ միշտ ժամը երթալ:

Ահա՛ այն ծառը... Թշվառ ուռենի.
Քեղ չեմ մոռացել փտած ծերունի,
Դու տալիս էիր իմ վարժապետին
Միշտ դալար ճյուղեր ինձ պատժելիս:

Մսեր վարժապետի տգիտության հետևանքով թերի մնացած կրթության պակասը Հակոբը լրացնում էր շրջապատից քաղած հարուստ ու րազմարնույթ տեղեկություններով: Իրենց տանը հյուրընկալվող օտարականների պատմած զրույցները, Փայաջուկի գունագեղ բնությունը, Սուլա գետակի դեղատեսիլ փիերը, թավշյա մարգագետինները, Դերիկ և Առուալ լեռներից իջնող խոխոջուն վտակները և, վերջապես, Սոնա տատի հեքիաթներն ու թափառական գուսանների խաղերը դառնում են յուրատեսակ դպրոց և լրացնում պատանեկությունից երիտասարդություն գնացող Հակոբի գլուխը՝ խոհերով, իսկ մատաղ սիրտը՝ հույզերով, գառն ապրումներով ու գեղեցիկ զգացումներով:

Դպրոցական տարիքում Հակոբի երիտասարդականացվող նախասիրությունների վրա ավելանում է շրջապատի հանդեպ ընդգծված հետաքրքրասիրությունը և երիտասարդությանը հատուկ համարձակությունը: Այդ տարիքում նա մեծ հակում է հանդես բերում նաև գեների հանդեպ: Քեռիների տանը գտնված ժամանակ Հակոբը գոգուների մտնում է նրանց գինեգործական արհեստանոցը, վերցնում է այս ու այն գենքը և խնդրում, որ նվիրեն իրեն: Նա առանց այլևայլության անմիջապես մտերմություն է հաստատում այն հյուրերի հետ, որոնք իրենց վրա գենք էին կրում: Հակոբը ոչ միայն մեծ հետաքրքրությամբ լսում էր այդ մարգկանց արկածախառն պատմությունները, այլև իր անսպառ հարցերով մասնակցում էր նրանց խոսակցությանը: Ունենալով նկարելու շնորհք, նա ոչ միայն մասնակցում է մեծերի զրույցներին, դատողություններ անում, այլև խզրզելով ծաղրանկարում է իրեն դուր չեկած խոսակիցներին ու համարձակորեն ցույց տալիս բոլորին:

Հակոբի հայրը՝ Միրզաբեկը, սրտանց ուրախանում էր, որ իր որդին մարդամեջ է մտնում, կարողանում է արդարը զանազանել անարդարից: Հուշագրողները նշում են, որ Միրզաբեկը հրճվում էր Հակոբի դիտելիքների պաշարով: Նա անսքոզ հպարտությամբ հաճախ կրկնում էր, որ իր «Հակոբի հաար ողջ Սալմաստում չկա»:

Հակոբի ուսումնառության վերջին տարիներում՝ մանկությունից երիտասարդություն անցնող շրջափուլը կազմավորվում է Փայաջուկի սոցիալական հակասություններով հարուստ միջավայրում, համագյուղացիների ու դրացիների տները ներխուժող ֆերաշների խժդուկությունների, վայրագ կամայականությունների, անարդար ու քսու հարաբերությունների միջավայրում: Մի մթնոլորտ, որը նրա վառ երևակայության մեջ գրոշ-

մում է գյուղական կյանքի հարուստ ու բազմազուն պատկերներ: Պատկերներ... Դեպքեր ու դրվագներ, միախառնված ավանդադրույցների, հավատալիքների ու ծեսերի հետ, որոնք շերտ առ շերտ ամբարվում են երիտասարդ ուսումնաստենչ Հակոբի տառողունակ հոգում և հիշողության ծալքերում:

Կարող է թվալ, թե այս ամենը կապ չունի Հակոբի ստացած կրթության հետ, սակայն ուսումնառության հինգ տարիների ընթացքում միջավայրի ու շրջապատի հետ ունեցած աղբյուրները խորը հետք են թողնում երիտասարդ Րաֆֆու գիտելիքների կազմավորման ու ամբարման վրա և լրացնում են այն պակասը, որը նա, իբրև աշակերտ, պետք է ստանար Մսեր վարժապետից:

Հարկ է նշել, որ այս ձեռքբերումները Հակոբի համար դառնում են յուրատեսակ գպրոց նրա կրթական կյանքում:

Հակոբ Միրզայանը Մսեր վարժապետի առաջագեմ աշակերտներից մեկն էր, ամենից ընդունակը, պարտաճանաչն ու խոհեմը, այսուհանգերձ նա ևս առիթ է ունենում ճաշակելու իր վարժապետի «հանգիմանական իրատների քաղցրությունը»: Լինելով միաժամանակ ըմբոստ ու արդարամիտ՝ ընկերների գանահարուստ ժամանակ բողոքում է Մսեր վարժապետի դաժան խստությունների ու կամայականությունների դեմ: «Դու ինչո՞ւ ես խառնվում, Հակոբ, — ասում է վարժապետը, — երբ ես իմ աշակերտներին ապտակում եմ»: Նման դեպքում բնավ կարևոր չէր, թե ում էր ապտակում վարժապետը, եթե նա անիրավացի էր իր վարմունքի մեջ, Հակոբը մի կողմ քաշվել կամ լուել չէր կարող, ուստի հաճախ բողոքում ու հակադրվում էր Մսեր վարժապետին:

Շուրջ հինգ տարի Հակոբը սովորում է այս գպրոցում: Առավոտից մինչև կեսօր Սաղմոս էին քաղում աշակերտները ու թեև անգիր դիտելին «ժամագրքից» բազմաթիվ գլուխներ, սակայն գրեթե ոչինչ չէին հասկանում իրենց սովորածից: «Ես հիմար տղա չէի, — պատմում է Րաֆֆին հասուն տարիքում, — ես շատ սրամիտ էի, երբ տատս մի հեքիաթ էր պատմում, ես միանգամից բոլորը սովորում էի, երբ մեր քաղաքում աշուղ էր գալիս, երգեր էր երգում, վեպ էր պատմում, ես իսկույն սովորում էի... Տատիս հեքիաթը, աշուղի երգը ես հասկանում էի, դրա համար էլ շուտ էի սովորում, բայց վարժապետիս դաս տված բաներից ոչինչ չէի հասկանում, ինձ երևում էր որպես թե դրանք հայերեն չէին»⁷:

Ժամանակ անց զգալով, որ այլևս ոչինչ չունի սովորելիք Մսեր վարժապետից, Հակոբը թողնում և դուրս է գալիս գպրոցից: Այս շրջանում նա արդեն հրաժեշտ էր տվել իր ուրախ ու անհող պատանեկությանը և դարձել էր լրջախոհ, թողել էր առօրեական դվարճությունները ու ամփոփվել էր ինքն իր մեջ: Նա գրեթե չէր հանդիպում իր խաղընկերներին, աղատ ժամերին միայնակ շրջում էր հին ավերակների մեջ ու աղատ դաշտերում: Սիրում էր առանձնանալ «գերեզմանատան մարգաշատ անդորրում», ուր նստելով քարին՝ մտածում էր ու թախծում:

7 Րաֆֆին ժամանակակիցների հուշերում. Երևան, 1986, էջ 79:

8 Ր ա ֆ ֆ ի. Երկերի ժողովածու. հ. V, էջ 361:

Րաֆֆու հայրը՝ Մելիք Միրզաբեկը, թեև դպրոց չէր գնացել, սակայն բարձր էր գնահատում կրթության հարգը: Առևտրական գործերի բերումով հաճախակի լինելով Թիֆլիսում և ծանոթանալով հայկական ու ռուսական դպրոցների դրվածքին, նա ո՛չ միայն դրական կարծիք էր կազմել, այլև այնքան էր ոգևորված կրթության գաղափարով, որ ծրագրում էր Թիֆլիսի օրինակով դպրոցներ բանալ Սալմաստի հայկական գյուղերում: Տեսնելով, որ իր ավագ որդու՝ «Հակոբի մեջ մի մշտավառ կրակ կա դեպի ուսումն ու կրթությունը» և իմանալով, որ նա այլևս ոչինչ չունի սովորելիք իրենց ծխական վարժապետից և թողել է դպրոցը, դիմում է նրան. «Հակոբ, — ասում է նա, — մեր այս Փայաջուկի դպրոցից բան չի դուրս դա, արի քեզ հետս Թիֆլիս տանեմ, այնտեղ լավ դպրոցներ կան, թե՛ լավ հայերեն կսովորես և թե՛ ռուսերեն»⁹:

Երիտասարդ Հակոբը, որ իրենց տանը հյուրընկալվող մարդկանց միջոցով բավականին տեղեկություններ ուներ Թիֆլիսի դպրոցների մասին, հրճվածությամբ է ընդունում հոր առաջարկը, և ինչպես պատմում է հուշագիր Ավագ Խան-Ավթանդիլյանը, նրա «օձիքը այլևս բաց չի թողնում»¹⁰: Այս խոսակցությունից մի որոշ ժամանակ անց, 1847 թ. ամռանը, Թիֆլիսում գտնվող Մելիք Միրզաբեկի հանձնարարությամբ, ազգականներից մեկի ուղեկցությամբ տասնվեցամյա Հակոբը դուրս է դալիս իրենց գյուղից և Թավրիզի, Նախիջևանի ու Երևանի վրայով ուղևորվում է Թիֆլիս՝ Ներսիսյան դպրոցում կրթություն ստանալու համար: Այդ ուղևորությունը Փայաջուկից մինչև Թավրիզ Րաֆֆին վիպական դրվագների զուգակցությամբ նկարագրել է իր «Խաչագողի հիշատակարանը» վեպի «Պանդխտություն», «Կեղծ Հաջին» և «Փոքրիկ մաքսանենգը» գլուխների մեջ: Եթե ընթերցողին հաջողվի այդ պատումների միջից առանձնացնել վիպական դրվագները՝ Քավոր Պետրոսի կեղծ հաջի ձևանալը, նրանց ծպտյալ փախուստը, խաչագողության հետ կապված մյուս մանրամասները, ապա մնացածի մեջ դժվար է հայտնաբերել կրթության նպատակով Փայաջուկից Թիֆլիս մեկնող Հակոբի և նրա ազգականի ուղևորության նկարագրությունը:

Հիշյալ փաստարկման մեջ մեզ զբաղեցնողը Թավրիզում նրանց ծավալած գործողություններն են՝ այցելությունը հոգևոր Առաջնորդարան, հանդիպումը հյուպատոսարանում անցագրի իրավունք ստանալու համար: Ընդ որում, երբ փաստական է դառնում «Խաչագողի հիշատակարանում» նկարագրված գործողության և ուղևորության կապը, մենք հնարավորություն ենք ստանում շարունակվող դեպքերի նկարագրության մեջ ի հայտ բերել տեղեկություն Թավրիզում անցագիր ստանալու կարգի վերաբերյալ: Պարսկա-ռուսական սահմանում մաքսատնից անցնող անձը պետք է ունենար համապատասխան անցաթուղթ: Այդ իրավունքը ձեռք բերելու համար Հակոբը և իր ուղեկիցը իրենց անվան ու ազգանվան ներքո պետք է նշեին «տարիքը, հասակը, դեմքը», ապա անցագրի կապալա-

⁹ Րաֆֆին ժամանակակիցների հուշերում, էջ 80:

¹⁰ Նույն տեղում:

ուս թեսքիրաջուն վճարեին պահանջվող գումարը, և նրանք, առանց ավելորդ գլխացավանքի, կարող էին ստանալ անհրաժեշտ փաստաթղթերը¹¹:

1847 թ. ամռան վերջերին տասնվեց տարին նոր թեակոխած Հակոբը և իր ուղեկիցը արգեն Թիֆլիսում էին: Ըստ նախապես կայացված որոշման Հակոբը իր կրթությունը պետք է իրականացներ Ներսիսյան հոգևոր դպրոցում: Այդ նպատակագրումով էր նա Թիֆլիս եկել, սակայն տեղի է ունենում անսպասելին: 1847 թ. Ներսես կաթողիկոս Աշտարակեցին, ցանկանալով վերահասու լինել դպրոցում տիրող գրությունը, փետրվարի 5-ին հատուկ կոնդակով կյանքի է կոչում «կոմսիսիա վերազննություն» անունով մի հանձնախումբ: Քննելով դպրոցի դործունեությունը, «կոմսիսիան» հայտնաբերում է «գեղծումներ և պակասություններ», ուստի պատրաստում է մի ընդարձակ զեկուցագիր և 1847 թ. ամռանը «քաղաքումս տարածված» խոլերայի պատճառով կաթողիկոս Ներսես Աշտարակեցու «բարեհաճություն» փակվում է Ներսիսյան դպրոցը և «արձակվում ևն թե՛ աշակերտները և թե՛ ուսուցիչները»¹²:

Օգոստոսի վերջերին հասնելով Թիֆլիս և Ներսիսյան դպրոցի գուները փակ գտնելով Մելիք Միրզաբեկը և նրա որդի Հակոբը հայտնվում են երկրորտրանքի առաջ: Վերջինս կամ պետք է վերադառնար Փայաջուկ և կամ՝ իր ուսումնառությունը իրականացներ մի այլ դպրոցում: Այդ ժամանակ Թիֆլիսում մեծ հռչակ ունեւր մանկավարժ Կարապետ Բելախյանի գալուցը: «Թիֆլիսում, — գրում է Պերճ Պռոշյանը, — Հայագիտություն հռչակը վայելում էին երկու վարժապետ, որոնք ո՛չ գիմնազիայի ուսուցիչներ էին և ո՛չ Ներսիսյան դպրոցի, այլ իրենց համար մասնավոր ուսումնարան էին պահում: Նրանցից առաջինը համարվում էր «Եգիպտացի մականվանյալ Կարապետ վարժապետ Բելախյանցը, իսկ երկրորդը՝ Հարություն Շահնազարյանցը»¹³:

Կարապետ Բելախյանը ծնվել էր Գանձակում, նախնական կրթությունը ստացել էր Կ. Պոլսում: Երկար ժամանակ վարժապետություն անելով Եգիպտոսում, կուտակել էր մանկավարժական հարուստ փորձ և գիտելիքներ: 1840-ական թվականների սկզբում գալով Թիֆլիս՝ ուսուցչի պաշտոն է վարում էնֆիսիանի դպրոցում, ապա 1846 թ. կաթողիկոս Ներսես Աշտարակեցու թույլտվությամբ Մոզնու Ս. Գևորգ եկեղեցու մոտ, Քիփինովի տանը հիմնում է իր գիշերօթիկ վարժարանը: «Այդ այն ժամանակ էր, — մի առիթով պատմել է Րաֆֆին Շիրվանզադեին, — երբ Հայոց լեզուն աքտորված էր Թիֆլիսի Հայոց ընտանիքներից, երբ Հայ դպրոցներ չկային, որ այդ լեզուն ավանդեն, Կարապետ Բելախյանը տնից տուն էր ման դալիս՝ խնդրելով ծնողներին, որ իրենց զավակներին տան նրա ուսումնարանում կրթելու, հայերեն գրել-կարդալ սովորելու»¹⁴: Հակոբի հոր՝ Մելիք Միրզաբեկի ընտրությունը կանգ է առնում այդ դպրոցի վրա:

11 Ր ա ֆ ֆ ի. Երկերի ժողովածու. հ. V, էջ 64:

12 Ա լ ե ք ս ա ն դ ր Ե Ր Ի Գ Յ Ա Ն. Պատմություն 75-ամյա գոյությունը Ներսիսյան Հայոց հոգևոր դպրոցի. Թիֆլիս, 1898, էջ 437: Տե՛ս նաև Ս տ. Մ ա լ ի ա ս - յ ա ն ց. Համառոտ պատմություն Ներսիսյան հոգևոր դպրոցի. Թիֆլիս, 1900, էջ 61:

13 Պ ե Ր Ծ Պ ռ շ Յ Ա Ն. Երկերի ժողովածու. հ. VII, Երևան, 1964, էջ 133:

14 «Արձագանք», 1888, 6 նոյեմբերի, № 43, էջ 603:

Դիմորդը նախ պետք է վճարեր ուսման համար սահմանված վարձը, ինչը դժվարություն էր ներկայացնում Մելիք Միրզարեկի համար, ապա պետք է ներկայացվեր համապատասխան փաստաթուղթ նրա ինքնության ու տարիքի վերաբերյալ: Ընդ որում իրրև պայման դիմորդը պետք է ունենար 9-ից ո՛չ ցածր և 12-ից ո՛չ բարձր տարիք, ինչը սահմանված էր Թիֆլիսի ռուսական դիմնագրիայի դիրեկտորիայի կողմից և դպրոցի տնօրեն Կարապետ Բելախյանը խստություն պահպանում էր այդ օրենքը¹⁵:

Հանգես է գալիս անլուծելի թվացող խոչընդոտ: Եթե նրանք ներկայացնեին հյուպատոսից Թավրիդում վերցրած անցագրերը, թերևս նաև Առաջնորդարանից սաացված ծննդյան վկայականը, ըստ որի Հակոբը 16 տարեկան է, այդ փաստաթուղթը ոչ միայն չէր գոհացնի Կարապետ Բելախյանին, այլև կարող էր խոչընդոտ դառնալ ընդունելության գործում: Ստեղծված կացության թելադրանքով փաստաթղթի փոխարեն տրվում էր անավոր հավաստիացում այն մասին, որ Հակոբը 12 տարեկան է¹⁶: Եվ քանի որ նա ըստ Բելախյանի կաղմած ընդամենի «իր տարիքից փոքր երևացող մի վտիտ պատանի էր», ենթադրվող խոչընդոտը վերանում է, և վերջինս գրանցվում է նրա գպրոցում՝ իբրև գիշերօթիկի սան:

Տեղավորվելով Կարապետ Բելախյանի դպրոցում, երիտասարդ Րաֆֆին առաջին անհրաժեշտ գիտելիքների հետ ձեռք է բերում մի շարք ծանոթություններ և ուրույն կարծիք այս նոր միջավայրի ու մարզկանց մասին: Նրա, տակավին անփորձ, բայց սրատես աչքը իսկույն նկատում է այն մեծ տարբերությունը, որ կար իր փայաջուկցի Մսեր վարժապետի և Կարապետ Բելախյանի միջև, մյուս կողմից, իր նոր վարժապետի մեջ Հակոբը տեսնում էր մարդկային լավ ու դրական բազում հատկանիշներ, ուստի ոչ միայն հարգում, այլև որգիական ջերմ սիրով կապվում է նրա հետ:

Կարապետ Բելախյանի գիշերօթիկը, ինչպես նշեցինք, դործում էր Թիֆլիսի ռուսական գիմնագրիայի դիրեկտորիայի տնօրինության ներքո: Ըստ սահմանված կանոնադրության, առարկաների դասավանդմանը տրվում էր այնպիսի ընթացք, որ նախադիտելիքների հետ աշակերտը նախապատրաստված լինի Թիֆլիսի ռուսական դիմնագրիայում ուսումը շարունակելու: Այդ իսկ պատճառով դպրոցի տնօրենը իր ուսումնական ծրագրերը համապատասխանեցնում էր գիմնագրիայում գործող կանոններին:

15 Ավելի ուշ այդ որոշման օրինականացումը կիրառվում է նաև ներսիսյան դպրոց ընդունվողների նկատմամբ: Տե՛ս Ս տ. Մ ա լ ի ս ա ս յ ա ն ց. նշվ. աշխ., էջ 63-64:

16 Պետք է ենթադրել, որ Բելախյանը չի առարկել Րաֆֆու տարիքը առանց փաստաթղթի 12 տարեկան համարելու հավաստիացմանը և քանի որ այդ ժամանակ Հակոբը եղել է թուլակազմ, հիվանդոտ աչքերով, իր տարիքից (12 տարեկանից) փոքր երևացող վտիտ կազմվածքով մի պատանի (տե՛ս «Նոր դար», 1888, 3 մայիսի, № 66, էջ 1), ուստի նրա այս կարգի մոտեցումը թեև դյուրացնում էր երիտասարդ Րաֆֆու ուսումնառության գործում առաջ եկած խոչընդոտը, սակայն իրրև եղծված փաստարկ Բելախյանի այդ ընդառաջումը անընթեի հետք էր թողնում Րաֆֆու կենսագրության մեջ: Այս փոխհամաձայնեցված կարգավորման հետևանքով Րաֆֆու կենսագրության մեջ ծայր է առնում 1835 թ. նրա ծնված լինելու վարկածը, որն ավելի ուշ՝ 1888 թ. մայիսին, Րաֆֆու մահվան առիթով Կարապետ Բելախյանի «Նոր դար» լրագրում հրատարակած հոդվածի հիման վրա (տե՛ս «Նոր դար», 1888, 4 մայիսի, № 67) վեր է ածվում փաստականի և ամբարովում է Րաֆֆու կենսագրության մեջ իբրև նրա ծննդյան «ամենաստույգ թվական»:

Հակոբը իր «խոնարհ բնավորությամբ, մտավոր ունակությամբ ու ջանասիրությամբ» շատ չանցած գառնում է դպրոցի առաջին աշակերտը և գրավում է Կարապետ վարժապետի ուշադրությունն ու համակրանքը: Աշակերտը Բելախյան գիշերօթիկում սովորում էր երկուսից չորս, երբեմն նույնիսկ հինգ տարի, նայած թե ինչ միջավայրից էր եկել նա և ինչ չափով էր տիրապետում ուսուցանելիքին:

Գիմնազիայում, բացի հայոց լեզվից և կրոնից, մնացած առարկաները ավանգվում էին ուսուցիչներին, այնպես որ Բելախյանի դպրոցը ավարտող աշակերտը լեզվի իմացությամբ ու գիտելիքների ընդհանուր պաշարով պետք է կարողանար բավարարել գիմնազիա ընդունվողի համար առաջադրվող պահանջներին: Փայաջուկից թիֆլիս եկած Հակոբը գիտեր միայն հայերեն, խոսում էր Սալմաստի բարբառով և փոքր ինչ թուրքերեն, ուստի միանգամայն հասկանալի է, թե ինչու նա երկուսի փոխարեն Բելախյանի գիշերօթիկում մնում է հինգ տարի¹⁷:

Գարապետ Բելախյանն իր վարժարանի սաներին անհրաժեշտ գիտելիքներ հաղորդելուց բացի նրանց կրթությանը տալիս էր հայագիտական թեքում, վարժեցնում էր գրաբարի ու հայկաբանության մեջ: Վարժապետի հայրենասիրական գաղափարներն ու հայագիտական մղումները պարարտ հող են գտնում երիտասարդ Հակոբի ուսումնառման ճանապարհում: Տիրապետելով գրաբարին, Հակոբը եռանդով ու հափշտակությամբ սկսում է կարդալ հայ մատենագիրներին: Հայ դրականությանը զուգընթաց նա տարվում է հունա-հռոմեական դրականությանը: Հափշտակությամբ կարդում է Մխիթարյանների հրատարակած Հոմերոսի «Իլիականն» ու «Ոդիսականը», Մխիթարի «Դրախտ կորուսյալը», Ֆենելոնի «Տելեմաքոսը», Պեսների «Մահն Աբելի» ստեղծագործությունները և բազում այլ գործեր: Նա անգիր գիտեր ամբողջական հատվածներ «Էնեականից» ու «Ոդիսականից» և ոգևորություն արտասանում էր հանդիսավոր առիթներով: Ուսումնառության շրջանում Հակոբը հմայվում է նաև հունա-հռոմեական դիցաբանությանը: Այդ սերը երկար է գոյատևում փայաջուկի մտավորականի

17 Րաֆֆու ուսումնառության ընթացքը պարզաբանելու նպատակով հարկ ենք համարում մեջբերել Գ. Բելախյանի դպրոցում Րաֆֆու ստացած կրթության ուրվագիծը ըստ տարիների.

- | | | |
|----|-----------------------------|-----------------------|
| 1. | 1847 թ. սեպտեմբեր-դեկտեմբեր | } առաջին ուս. տարի |
| | 1848 թ. հունվար-մայիս | |
| 2. | 1848 թ. սեպտեմբեր-դեկտեմբեր | } երկրորդ ուս. տարի |
| | 1849 թ. հունվար-մայիս | |
| 3. | 1849 թ. սեպտեմբեր-դեկտեմբեր | } երրորդ ուս. տարի |
| | 1850 թ. հունվար-մայիս | |
| 4. | 1850 թ. սեպտեմբեր-դեկտեմբեր | } չորրորդ ուս. տարի |
| | 1851 թ. հունվար-մայիս | |
| 5. | 1851 թ. սեպտեմբեր-դեկտեմբեր | } հինգերորդ ուս. տարի |
| | 1852 թ. հունվար-մայիս | |

ուժանտիկ հոգում և իր կնիքն է թողնում նրա ստեղծագործական աշխարհի վրա: Վաղ շրջանում հղացած ու իրականացված գործերի մեջ Րաֆֆին լայն տեղ է հատկացնում գիցաբանական անուններին, համեմատություններին ու զուգահեռներին:

Բազմակողմանի ընդունակությունների, խոհեմ վարքի ու գիտելիքների շնորհիվ Րաֆֆին ձեռք է բերում վարժապետի մտերիմը դառնալու իրավունքը: Կարապետ Բելախյանը, անշուշտ, շատ բան կարող էր պատմել իր աստանգական կյանքից, շրջագայած երկրներում տեսած ու հանգիպած պանդուխտ հայերի մասին, որոնք պետք է արժանանային իր փայաջուկիցի սանի ուղադրությունն ու հարցասիրությունը, ապա նաև առիթ տային խորհելու օտար ամբերում դեպքերի իր հայրենակիցների մասին: Բելախյանի միջոցով Րաֆֆին բարեկամություն է հաստատում Թիֆլիսում լույս տեսնող «Արարատ» ամսագրի խմբագիր, հայագետ Գաբրիել Պատկանյանի հետ: Կարճատև կյանք ունեցած ամսագրի խմբագիրը նրան պետք է ծանոթացներ ժողովրդի լուսավորության ու ազգի դաստիարակության գործի առջև ծառայած խնդիրների՝ գլխավոր, գրականության, մամուլի ու աշխարհաբար լեզվի դերի ու կարևոր նշանակության հետ: Գաբրիել Պատկանյանի օգնությամբ նա պետք է փորձեր հասկանալ այն տարբերությունը, որ կար ուս աշխատավոր ժողովրդի, նրա առաջավոր մտավորականության ազնիվ ու մարդկային ձգտումների և ցարիզմի բյուրոկրատական վարչակարգի ու ապագգայնացման ձգտող քաղաքականության միջև: Իր վարժապետի միջոցով Րաֆֆին ծանոթություն ու մտերմություն է հաստատում նաև գիմնազիայի նախապատրաստական դասընթացի ազատ ունկնդիրների վերակացու, աշտարակեցի Հովհաննես Տեր-Հովսեփյանցի և շատ ու շատ ուրիշների հետ:

Ահա այսպիսի միջավայրում էր հասակ առնում, կազմավորվում ու ապագայի բեղմնավոր ծիլեր արձակելու համար անհրաժեշտ գիտելիքներ ձեռք բերում Հակոբը իր ուսումնառության բելախյանական տարիների ընթացքում:

Չնայած աչքերի տկարությունը՝ մի քանի տարվա ընթացքում Հակոբը ցույց է տալիս մեծ ու խոստումնալից առաջադիմություն: Այդպիսի դեպքում հենց որ ուսումնառուն քիչ թե շատ ընդունակ էր երևում, Բելախյանը անմիջապես սկսում էր համոզել նրա ծնողներին, ազգականներին կամ որևիցե բարերարի, որ այդ խոստումնալից ուսումնառուին ուղարկեն Մոսկվա՝ Լազարյան ճեմարանում կրթությունը շարունակելու համար:

Խանդավառված իր սանի անձով, նրա ընդունակությամբ ու գիտելիքների պաշարով, Բելախյանը ջանում էր երիտասարդի գործունեությունը դնել այնպիսի ուղու վրա, որ գիմնազիան ավարտելուց հետո կարողանա արքունի ծախքով ուսումը շարունակել Մոսկվայում, որպեսզի հետո մտնի դիվանագիտական ծառայության մեջ և օգտակար դառնա իր ժողովրդին: Նման մտադրությունն իրականացնելու համար ինչպես ուսական գիմնազիա ընդունվել ցանկացողը, այնպես էլ արքունի ծախքով Մոսկվայում սովորել ակնկալողը ընդունակությունից բացի, պետք է ունենար նաև ազնվական ծագում, ինչը տվյալ ժամանակաշրջանում խիստ

կարևոր էր բարձրագույն ուսումնական հաստատությունում սովորելու համար: Անհրաժեշտ ենք համարում հայտնի դարձնել, որ փայաջուկի Հակոբը ունենալ է Մոսկվայում սովորելու ցանկություն, և՛ նման արտոնությունից օգտվելու իրավունք: Այս ամենը ավելի առարկայական է դառնում, երբ գիշերօթիկում ավարտին է մոտենում Հակոբի ուսումնառությունը և օրվա հարց է դառնում դիմնագրի ընդունվելու ինդիքը: Հենուն գնացող իր ծրագիրը իրականացնելու նպատակով Բելախյանը 1851 թ. վերջերին մի նամակով դիմում է Հակոբի հորը՝ Մելիք Միրզաբեկին և հանձնարարում է նախ թիֆլիս ուղարկել Հակոբի տարիքը փաստարկող ծննդյան վկայական, դիմնագրայում ընդունելությունը իրականացնելու համար¹⁸, և ապա ձեռք բերել նրա ազնվական ծագումը վավերացնող փաստաթուղթ, ինչը խիստ կարևոր էր ոչ միայն դիմնագրի ներկայացնելու, այլև Մոսկվայում նրա ուսման շարունակությունը ապահովելու համար: Մելիք Միրզաբեկը, ոչ առանց դժվարության, պարսից արքունիքից ձեռք է բերում պահանջվող փաստաթղթերը, վավերացնել է տալիս թավրիզում թաղաժառանգ Համգա Միրզայի միջոցով և ուղարկում է թիֆլիս՝ Կարապետ Բելախյանին: Ստացված փաստաթղթերի հիմնավորումով Րաֆֆին ձեռք է բերում Մելիք-Հակոբյան տիտղոսավոր ազգանունը և քանի որ վայելում էր գիմնագրայի նախապատրաստական դասընթացի վերակացու Հովհաննես Տեր-Հովսեփյանցի մտերմությունը՝ վերջինիս միջնորդությամբ 1852 թ. երկրորդ կեսին, հանձնելով պահանջվող քննությունները, ընդունվում է թիֆլիսի ռուսական գիմնագրայի նախապատրաստական բաժինը որպես ազատ ունկնդիր:

1852 թ. վերջերին ներկայացնելով տարիքի ու ազնվական իրավունքի վերաբերյալ համապատասխան փաստաթղթեր և հանձնելով պահանջվող քննությունները, Րաֆֆին իրավունք է ստանում 1853 թ. հունվարից ուսանել գիմնագրայի չորրորդ գասարանում իբրև ազատ ունկնդիր:

Ընդունվելով գիմնագրի՝ Հակոբը ոչ միայն իր կապերը չի խզում Բելախյանի հետ, այլև մնում է նրա գիշերօթիկում և շարունակում է զուգահեռ ուսումնառությունը՝ լիուլի յուրացնելով տարիների ընթացքում իր վարժապետի կուտակած փորձն ու գիտելիքները:

1857 թ. Րաֆֆին պետք է ավարտեր գիմնագրայի լրիվ դասընթացը, որից հետո նա նպատակ ուներ մեկնել Մոսկվա՝ կրթությունը շարունակելու, սակայն 1856 թ. հոր՝ Մելիք Միրզաբեկի պահանջով ստիպված է լինում կիսատ թողնել կրթությունը և տարվա կեսերին մեկնել Պարսկաստան:

18 Տե՛ս «Նոր դար», 1888, 26 սեպտեմբերի, № 174: Այդ նշանակում է, որ 1847 թ. ամռանը գիշերօթիկում ընդունվելու ժամանակ Մելիք Միրզաբեկը Հակոբի ծննդյան թվականը փաստարկող վկայականը չի հանձնել Բելախյանին, այլապես նա նորը չէր խնդրի: Մյուս կողմից, այդ նախորդ վկայականը, սովյալ դեպքում տարիքի անհամապատասխանության պատճառով չէր կարող ներկայացվել գիմնագրի, որովհետև այնտեղ ընդունվողը պետք է ունենար 12-ից ոչ ցածր և 15-ից ոչ բարձր տարիք: մինչդեռ 1852 թվականին Րաֆֆին 20 տարեկան էր: